

VISCHNAUNCA DA TUJETSCH

Reglament davart
il lungatg ufficial communal
dalla vischnaunca da Tujetsch

Reglament dalla vischnaunca da Tujetsch davart il lungatg official communal

Finamira

Art. 1 Il Romontsch ei il lungatg official dalla vischnaunca.

Quest uorden regla siu diever. El ha la finamira da garantir il diever dil Romontsch sursilvan sco lungatg official da vischnaunca els divers secturs dall'administraziun, dalla scola e dalla preschientscha publica e vul cheutras gidar a mantener il Romontsch.

Denominaziun

Art. 2 La denominaziun en quest reglament vala per persunas, funcziuns e mistregns dad omisduas schlatteinas.

Decrets
egislativs

Art. 3 Ils decrets legislativs vegnan redigi en romontsch, en particular:

a) la constituziun communal

b) las leschas, ils uordens ed ils reglaments da character general abstract sco era ils decrets e las publicaziuns officialas che sedrezzan alla publicitad.

Sche translaziuns en auters lungatgs existan, vala la versiun romontscha sco officiala.

Radunonzas e
tschentadas

Art. 4 Las radunonzas e tschentadas dils organs communal vegnan menadas e protocolladas en romontsch. Sin damondas e propostas en auters lungatgs naziunals vegn per regla priu posiziun en romontsch.

Administraziun

Art. 5 L'administraziun succeda da principi en romontsch, en particular:

a) la correspondenza, decisiuns e disposiziuns communalas che sedrezzan a persunas domiciliadas en vischnaunca

b) circularas e communicaziuns che sedrezzan a l'entira populaziun domiciliada

c) per regla era correspondenza ed inoltraziuns allas autoritads cantunalas e federalas ed a lur uffecis

d) publicaziuns officialas

- per exempel la Tuatschina

Art. 6 La vischnaunca meina la scoletta e las scolas tenor legislaziun cantunala per scolettas e scolas romontschas.

Scolaziun

La vischnaunca sustegn activitads che promovon l'integraziun linguistica dils habitonts ella cuminonza.

Art. 7 Inscrizziuns drizzadas alla publicitad e reclamas stablas che pretendan ina lubientscha communal ston esser romontschas.

Inscrizziuns

Las vischnauncas san lubir excepziunalmein translaziuns. Lubidas ein era terminologias internaziunales che selain buca translatar.

Inscrizziuns existentas buca romontschas san restar vinvon. La vischnaunca s'engascha denton per che quellas vegnien adattadas el senn da quest artechel.

Art. 8 Inoltraziuns da persunas privatas u giuridicas domiciliadas en vischnaunca han da principi da succeder en romontsch.

Inoltraziuns

Art. 9 En connex cun contribuziuns communalas per arranschaments publics animescha la vischnaunca da duvrar il Romontsch.

Contribuziuns

Art. 10 1. L'istanza cumpetenta e responsabla per l'execuziun da quest reglament ei la suprastonza communal.

Execuziun e coordinaziun

2. Quella collavura el rom dalla conferenza dils presidents da vischnaunca dil cumin cun las autras vischnauncas per realisar ils postulats da quei reglament.

3. La conferenza dils presidents da vischnaunca collavura e coordinescha las lavurs tenor alineia 2 cun las conferenzas dils presidents da vischnaunca dils auters cumins dalla Surselva, sco era cun las instanzas cul medem intent dad autras regions e cun instituziuns per il manteniment dil lungatg romontsch.

Art. 11 Quest reglament ei ius en vigur cun sia approbaziun entras la radunonza communal dils 30 da schaner 1998.

Entrada en vigur

